

آبونه شرائطی
داخلی و خارجی، هریرایچون
سنه لکی (۲۵۰)، آلتی آیلنی
(۱۳۰) فروشدر .
نسخه سی . فروش ،
سنه لکی ۵۲ نسخه در

اداره خانه

باب عالی جاده سنده د اثر مخصوصه

اخطارات

آبونه بدلی به بندر

مسئله موافق آثار مع المصنوفه
قبول اولتور . درج ایدیه
یازیلر اعاده اولونماز

والله یهدی من یشاء الی صراط مستقیم

محمد عاکف

اشرف ارباب

اتپعون اهدکم سبیل الرشاد

الکشاف

دینی ، فلسفی ، علمی ، ادبی ، سیاسی هفته لوق مجموعه اسلامیه در
صاحب و مدیر مسئول

اخطارات

ادرس تبدیلیده آیریمه بی
غروهی کوندرلیدر

مکتوبلرک امضالری واضح
واوقوناقی اولنسی و آبونه صره
نومروسی محتوی بولنسی
لازمدر

مالک اجنبیه ایچون آبونه اولافلرک
آدرس لرینک فرانسوزجه ده یا اولنسی
رجا اولتور

باره کوندرلیدی زمانه نهیه دایر
اولنسی واضحاً بیلدیرلسی
رجا اولتور

وطن اسودك افتراقه چالیشان ميانده عییا سید عبدالقادر
افندی ده رارمی ؟

کوردلری جامعه اسلامیة دن آیرمه به چالیشان معهود شریف ایله
معهود اجتهادچی عبدالله جودتک افکار و مقاصدینه اعیاندن سید
عبدالقادر افندیکنده اشتراک ایتدیکنه دائر بعض غزته لک ویردکلی
خبرلر مومی الیه طرفندن تکذیب ایدیلدیکی ، بالعکس بونی تأیید ایدیه جک
بعض بیاناتده بولونولدینی کال تأسفله کورولمکده در . (من دهی الی
عصبة فلیس منا) حدیث شریفی هر کس دن ای آکلامسی لازم کلن
عبدالقادر افندی کی ساداتن برذاتک ، کوردلری افتراق و ضلالت سو
خصوصنده معهودلرله توحید مساعی ایتسنی بز بردرلو حوصله مزه
صغیرمه مایورز . بزبوکا قطعاً اینانق ایسته میورز . امید ایدرز که مومی الیهک
بیاناتی (ژورنال دوریان) مخبری طرفندن تحریف ایدیلشدر .

بومسئله اهمیت فوق العاده سینه مبنی مجلس مبعوثانه قدر عکس ایتدی .
کچن کون مجلس مبعوثانده کوردلرله مقام ملای خلافتدن باشقه بر
اداره تختنده پشایه میه جقلرندن و جامعه سلطنتدن آیرلیه جقلرندن بختله
شریف باشانک تشبثاتی شدله پروتستو ایلدکلرینه دائر سیوه رکدن
ویرلک قضاسندن بر جوق علما و عشائر رؤسایک امضاسیله وارد اولان
ایکی تلغرافنامه اوقونورق آلتشلرله قارشیلاندقندن صوکره ارضروم
مبعوثی جلال الدین عارف بک و بوتون ولایات شرقیه مبعوثلری طرفندن
ویریلن برتقریر اوقونودی . تقریرده دینیلورکه :

اعیان اعضاسندن عبدالقادر افندی ، شریفک بغوص نوبارله اولان قصول
مقاولة ناموسی حقدده کی رأی صوران « ژورنال دوریان » غزته سی مخبرینه
زیرده کی بیاناتده بولمیشدر :

« معلوم اولدینی اوزره ارمیلر آلتی ولایتک کندیلرینه ویرلسنی ایسته دیلر .
بولنک اوزرینه بز کوردلرده بو ولایتلرده اکثریتی بزم تشکیلی ایتدیگیزی
سویله هرک مجلس عالی به مراجعت ایلدک و تحقیق ایچون بر هیئت کونده رلسنی
طلب ایتدک . بغوص نوبار بوکا موافقت ایتدی . بوندن ماهددا کوردلر هلیهنده
پروپاگاندا یا عاقلانی وهد ایتدی . ایسته مطبوعاتک بحث ایتدیکی کورد - ارمنی
ائتلافی بوندن عبارتدر . شریف پشایه کلنجه : کندیس کورد جمعیتک مرخصیدر
و جمعیتک ماهیت ملیه سی وارددر . بناء علیه شریف پاشا کورد مرخصی اولارقی
حرکت ایده ییلیر . بز کوردلرله مسکون آلتی ولایتک مختاریتی ایسته یورز .
بواقاده واقع ایسه عبدالقادر افندی اعیان اعضاسنی صفیه قانون اساسینک
(۴۶) نجی ماده سینه توفیقاً ذات حضرت پادشاهی به و وطنه صداقت و قانون
اساسی احکامنه رعایت ایده جکنه دائر عین ایتدیکی حالد بر قسم مملکتک افتراقنه
سامی اولدینی اثبات صورتیه بیمنده خات اولش و قانون اساسینک « ۴۸ »
نجی ماده سینه توفیقاً اعیان اعضا لته انتصافی اسقاط ایتهدر . اساساً بوتون
کورده میرتلرله اهالیسی شریف وکالت فضولی سنی رد ایتدیلر و جامعه همنیه دن
آیرلق ایسته مدکلرخی بیلدیردیلر . بناء علیه مومی الیه عبدالقادر افندی حقدده
قانون اساسی احکامنه توفیقاً اجرای معامله ایدلسنی طلب ایدرز . ۲۸ شباط ۳۳۶

هر کسی بهت و حیرت ایچنده برافان بو تقریرک باتد کره اعیانه
بیلدیرلسنی قرار کیر اولدی .

انشاء الله عبدالقادر افندی بونی تکذیب ایدرلرده دوستلری
منون ، دشمنلری دلخون ایتش اولورلر . اولنک سیادتلرندن بکله نن ده بودر .

احمد نعیم بک افندیکنک بیاناتی

ولایات شرقیه دن کورد عشائر رؤسای و عداوسی طرفندن شریفک
بغوص نوبار ایله عقد ایلمش اولدینی مقاولة نامیه یی پروتستو ایدن
تلغرافلر مجلس اعیانده اوقونوسی اوزرینه کوردلرک اک اصیل عائلهلرندن
بولونان استاد محترم احمد نعیم بک افندی حضرتلری سوز آله رقی . وجه آتی
ایراد کلام ایلشدر :

« شریف (پاشا) ایله نوبار آره سنده بر ائتلاف عقد ایدیلدیکی
غزته لرده کوردم ، فوق العاده حیرت ایتدم . شریف (پاشا) کوردلر
نامه سوز سویلکه صلاحیتدار دکلدر . دنیا یوزنده پاشایان نه قدر
کورد وارسه - بلکه مستشارلری اولور ، سرده هوا بعض کیمسه لر بولونور -
بو ائتلافی قطعاً قبول ایتزلر . کورد قومی حضرت فاروق زماننده جامعه
اسلامیه به کیرمش و اوزماندن بری اسلامک قلنجی و قالقانی اولمشدر .
کوردلر جامعه عثمانیه به طوعاً کیرمشدر . و طوعاً حقیقتمازلر . بیک سنده دن
بری تورکلرله کوردلر قورده ش اولمشلر و بریطنده یا ییشیق اوله رقی ایکیز طوغان
قرده شلرله مشاهددر . بناء علیه بونلر بریزندن آیریلورسه ایکیسی ده محو
اولور . شریف پاشانک کوردلکله هیچ هلاقه سی یوقدر ؛ آناسی
پاشایی کورد ایسه ده کندیس اوقدر هلاقه دار دکلدر ؛ کوردلر سائنندن برکله
بیلمز . اجنبی تربیه سی کورن بو آدمک کوردلک نامه حرکتی قطعاً
طوغر و دکلدر . ذات شهرت آلدینی عنوان ده « beau Cherif » بو شریف در ؛
پاشانک کندیسنه ویردیکی عنوان ده بودر . بوراده کی کورد قلوبک
شریف (پاشا) به بویله بر صلاحیت ویردیکی ادعا اولونیور ؛ حال بوک
اوقلوبک اکثریت اعضاسی بوندن قطعاً خبردار دکلدر ، یالاندر .
بند کز تکلیف ایدرم که حکومت بوکرد قلوبی تدقیق ایتسون و مسئله
نور ایتسون . »

نعیم بک افندیکنک بولطقی بوتون اعضا لر طرفندن تصویب ایدیلش
وسید بک « بو خصوصده سوز سویله به جک اک صلاحیتدار ذواتدن
بریس ده سز سکز ؛ حسیات نجیه و عالیه کزدن دولای سزی شایان
تجیل و تقدیر کورورم . » مقابله سنده بولونمشدر .